

LETTRE  
DE MONSIEVR  
DE ROSNY,  
*A LA ROYNE REGENTE.*

---

M. D C. XI.

LIBRARY

THE MONROE

Case

MONROE

F

RECORDS

39

.320

16/12

1720 M.D.C.



LETTRE  
DE MONSIEUR  
DE ROSNY.



MADAME,

Entre toutes les conditions honorables, d'un Gentil-homme François, j'ay tousiours estimé la plus aduantageuse celle d'estre employé aux affaires importantes de sa patrie de les administrer heureusement, & obeir aux cōmandement de son Prince, durant plusieurs années j'ay conduit les principales de cet Estat, avec vn succez non espéré, ie les ay portez sous mon Roy d'un profond abyssme de miseres au comble de toute gloire: Auioird'huy, MADAME, j'obeis aux desirs & aux volontez ex-



presses de vostre Majesté, ie remets en-  
 tre ses mains les deux plus belles mar-  
 ques qui me restent des bien-faiçts &  
 du ressentiment de mon bon Maistre,  
 la Bastille & les finances, ie les ay pos-  
 sedees durant sa vie, ie les vous rends  
 apres sa mort, & me contenteray que  
 les effects de mes seruices demeurent à  
 iamais grauez dans le cœur de vos peu-  
 ples, vn autre moins fidelle que moy  
 rempliroit toute la France de ses plain-  
 ctes, Mais ma deuotion perpetuelle  
 enuers le lieu de ma naissance, en-  
 uers mon Roy, tient ma langue muette,  
 & me faiçt plustost chercher en mon  
 incapacité seule qu'en toute autre con-  
 sideration la cause d'un si grand chan-  
 gement, d'un seul poinçt (MADAME)  
 aye l'esprit impatientement agité: c'est  
 de la resolution trop absoluë que prend  
 vostre Majesté, de me faire prendre de  
 l'argent en recompense de mes char-  
 ges, non que ie ne iuge assez combien  
 cet expediët est necessaire pour le bien  
 de vostre seruice: Mais d'ailleurs il m'est  
 si preiudiciable & si contraire à mes  
 demandes, que quelque puissance que  
 j'aye sur moy pour vous complaire, ie

n'en ay poinct assez pour l'accepter au contraire. ( M A D A M E ) Je suis forcé de le refuser, & de proférer contre mon deuoir, en ce subiect mon interest particulier à celuy de vostre Majesté, de toutes les voyes proposées pour sortir de ce desseing, Celle-cy me doit estre la plus odieuse, ainsi l'ay-ic en horreur & la tiens comme procedee, non de la bonté de vostre Majesté, mais de la malice de mes ennemis: Car ( M A D A M E ) pourquoy, plustost ne reiette-on ce pretexte sur mon humeur farouche, incompatible esloignement de toute gratification de toute société, de toute dissimulation sur le peu d'ordre que i'ay peut-estre donné aux affaires de mes charges sur les mauuais mesnage dont i'ay vû au faict des finances, Sur les maux qui en sont procedez sur les fortes intelligéces que i'ay pratiquées dedans & dehors le Royaume, & sur l'extremé soing que i'ay pris de m'establis pour la conseruation de ma fortune. Pourquoy dis-ic ( M A D A M E ) n'ont plustost choisi ce fondement qu'un autre moins spetieux & moins vray-semblable? Car de publier que i'aye iamais



demãde recompẽse que pour ma charge des finances ny autre recompence encores, qu'une charge de Mareschal de France, s'est chose qui ne peut estre veritablement soustenuë, l'impudence de mes ennemis & la cõplaisante d'aucune de mes amis, Ne sera iamais assez forte pour autrement le tesmoigner, Que si vostre Majesté m'accuse de luy auoir moy-mesme offert tout ce que ie possederois, ie le confesse, ie ne nie point que souuent ie n'aye asscuré vostre Majesté que tout ce qui dependoit de moy, dependoit d'elle, Et ma vie mesme, Mais certes (MADAME,) i'aduouëray aussi qu'alors ie ne pensois pas encores que faire telles offres à s<sup>r</sup> Prince ce feust vn crime suffisant pour estre despoüillé de ses dignitez, Si que la prenés maintenant, s'est vne maxime qui me semble nouuelle. Mais ceste nouueauté neantmoins ne me fera iamais repentir d'auoir faict mon deuoir. Au contraire (MADAME,) Auourd'huy ie presente de rechef à vostre Majesté, non seulement mes honneurs, mes biens, mais aussi ma propre vie &

celle de mes enfans & ne les luy present-  
 te poinct avec condition, mais pour en  
 vser selon ses volonte, Et pour mes-  
 mes en honorer mes propres ennemis,  
 Si de me les oster simplement ce n'est  
 chose qui la contente, Si mes actions  
 passees ont seruy pour l'accroissement  
 de ceste Couronne, Ie veux que mon  
 obeissance la premiere monstre le che-  
 min de le conseruer, Et quoy que mes  
 ennemis publient de mon amour en-  
 uers que ie possede, Ou quoy l'hu-  
 meur d'autrui, puisse aider a le faire  
 croire, Si est-il vray (MADAME,) que  
 i'abandonneray tout ce que mes serui-  
 ces m'ont acquis, avec plus de con-  
 stance, avec plus de fermeté mille fois  
 qu'avec plaisir vn autre ne le possedera,  
 il me suffira que i'apprene en ma solitu-  
 de cōme vostre Majesté rendra de iour  
 en iour le Sceptre florissant & conser-  
 uera, dans ces affaires vn bon ordre &  
 dās ces coffres des tresors suffisans pour  
 soustenir cest estat qui subsiste princi-  
 palement sur l'appuy de ces deux Co-  
 lonnes, C'est de quoy i'entretiendray  
 le plus doucement mes oisues pensees



& me conſolcray en la perte de mon b<sup>o</sup>  
 Roy, ſans eſtre cōtraint, ſ'il vous plaiſt  
 d'accepter ny reſeruer autre recompē-  
 ſe de mes charges que le contentemēt  
 de n'en receuoir point, & l'honneur de  
 voſtre expres commandement, que ſi  
 neantmoins pour derniere reſolution  
 & pour ne me rendre deſ-obciſſants à  
 vos volontez voſtre Majeſté m'ordōne  
 abſolument de faire le contraire voyez  
 dōc (MADAME,) la faueur plus grande  
 & plus deſirée dont ie la ſupplie tres-  
 humblement de me recompenſer, ſ'eſt  
 (MADAME,) quil plaiſe à voſtre Maje-  
 ſté de commander a c'eſt-heure a mes  
 plus grand ennemis d'aller en la cham-  
 bres des Comptes pour veriffier depuis  
 douze ans l'vtilité ou dōmages de mes  
 veilles, Et ſ'il ne trouue que durant  
 ce temps ſoubs la puiſſance de mon  
 grand Roy, i'aye beaucoup par ma  
 dexterité & par mon labeur la plus en-  
 racinee conſuſion qui fut iamais dans  
 les finances de la Frāce, Que i'aye ou-  
 tre l'eſpargne de plus de huit millions  
 tous les ans: dont les années ſe rendoit  
 redeuables à ſes officiers outre le paye-  
 ment



ment de toutes les charges , & de toutes despences ordinaires de l'estat de tous les gaiges des Cours Souueraines , de tous les gens de guerre, des garnisons Ambassades , Maison du Roy , voyages , Mariages , donner presens , recompenses. Et mille autres despences trop longues a desduire, Outre routes les gardes sommes ordinaires sans augmenter ny tailles ny impositions en ce Royaume, Au contraire en les diminuant, S'il ne trouue , dis-ie, que i'aye encor pour l'entretien de trois grandes armées dont l'vne reprit Amiens, L'autre reduisit la Bretagne, & la troisieme conquist la Bresse, & la Saouye faut fournir extraordinairement plus de douze millions, Pour l'acquit des debtes de France , Créés par traité & autrement plus de vingt cinq millions, Pour le payement de celles de Suisse , Allemagne , Italie & Angleterre, Plus de trente millions pour le payement des pensions dedans & dehors du Royaulme plus de vingt quatre millions, Pour le secours des Prouinces estrangeres plus de huit mil. Pour le reestablissement de l'artil-

ries des fortifications, chemins & ba-  
 stiments plus de huit millions. Pour  
 soulagement du pauvre peuple plus de  
 six millions. Pour mettre en tresor  
 dans les coffres de la Bastille ou laisser  
 en depost entre les mains du Tresorier  
 de l'espargne plus de dixsept millions.  
 Pour satisfaire a plusieurs autres des-  
 pences qui se peuuent aysement veri-  
 fier plus de vingt millions. Si ie n'ay  
 faict arrester encores des contractz  
 pour le rachapt du domaine de France  
 engagé dont la plus grande part s'ex-  
 cute tous les iours montans tel ra-  
 chapt plus de quarante mil. En fin  
 (MADAME) si ie n'ay pas mon soin opi-  
 niastre par ma seule vigilance pratique  
 toutes les espargnes. Et si pour conti-  
 nuert ce mesme deuoir enuers la France  
 ie n'ay tousiours offert a vostre Majesté  
 de perdre la vie ou de soustenir les af-  
 feires, & en ceste mesme splendeur voi-  
 re de les presenter en plus haut degré,  
 Si dis-je ie n'en faict toutes ces choses  
 & plus encore ieme soubz mets (MA-  
 DAME) a recepuoir pour peyne de  
 ma presumption cette odieuse recom-



pence que vous m'ordonnerez, le prix de mes honneurs & de mes charges, mais si aussi (MADAME) vn seul de ses articles ne se trouue faux qu'en ce qu'il est trop foible, & si mon affection premiere n'a receu autre changement que de s'estre renduë ardente & plus forte, permettez moy (MADAME) pour ma plus digne satisfaction de souffrir le mal que vous me faictes sans accepter le bien que vous m'offrez, Retirez mes charges sans ceste dure charge. Ou si necessairement (MADAME) vous voulez m'honorer encores de quelque faueur, que ce soit donc s'il vous plaist seulement du souuenir perpetuel de ma fidelité faueur que ie desire de vostre Majesté, non pour estre vn iour rappellé au travail penible des affaires. Mais seulement pour me laisser en repos que ie viue tousiours en la memoire de celle qui est auourd'huy la Regente de ma patrie, l'ame viuante de mon Maistre & la mere de mon Roy, & certes (MADAME) aussi est-ce vn honneur vne recognoissance derniere que vostre Majesté ne me peut iuste-

ment reffuser , car puis que tous ceux  
mesmes que i'ay offencez en mes char-  
ges s'efforcent de m'en voir priué. A  
plus forte raison , ceux-là se peuuent  
bien souueuir de mes seruices qui en  
trionphent.

Adieu Maison, adieu forteresse, que  
i'ay eut en garde & en gouuernement  
plus de douze annees. Adieu Temple  
de la Decesse, Monete qui m'auiez faict  
porter tant d'enuie laissez-moy aller  
maintenant que ie suis ennuyé des af-  
faires & me rendez a vne vie priuée ou  
n'aye plus tant de soing , ie suis celuy  
qui puissant d'esprit & de courage, ayât  
compris le fonds des richesses du Roy  
& du Royaume les ay gouuernees, ce-  
luy a qui le bon-heur de cest estat ac-  
creu en nouueau reuenus & les coffres  
de nostre ieune Maistres remply par  
moyens iustes & legitimees, sont obli-  
ges de l'ordre, clair & asseuré que i'ay  
estably i'ay porté de grands honneurs  
& des grandes recompence du soing  
industrieux que i'ay eu sous vn grand  
Roy. I'ay eu vn grand pouuoir & vne  
grande auctorité , mais en moins de  
rien en sa sanglante chute, ie l'ay veu,



dechoerir ruiner en ce meſme malheur  
 i'ay veu exteinct toute ceſte enuie qui  
 a faict que pluſieurs m'ont ſouuent me-  
 nacé de me perdre & de me ruiner , ce  
 pendant que ie pourchaiſſois le bien de  
 l'eſtat & que ie ne taſchois ſinon d'ac-  
 querir les bonnes graces de mon mai-  
 ſtre ſeulement ſans me ſoucier des  
 grands , & ne ſachant que ſ'eſtoit que  
 de rechercher la faueur & bien-veïllan-  
 ce du peuple m'opiniaſtrant tous-jours  
 a ce deſſein, mais en fin loing de moy  
 ſoing facheux i'ay reſolu maintenant  
 de retirer ma nef en vn port calme &  
 aſſeuré , peut-eſtre que l'eſtat m'ayant  
 perdu recognoiſtra mieux a quoy ie  
 luy ayt eſté vtile & les peuples en au-  
 ront auſſi cognoiſſance, alors mais trop  
 tard , la faueur & l'affection ſuccede-  
 ront a la hayne, mais ie n'ay pas tant en  
 recommandation ma propre grace que  
 ie de ſire ſ'acquerir par les deſaſtres &  
 malheurs de ma patrie , au contraire  
 faictes , ô dieux que la fortune de ce  
 Royaume demeure toujours en bon  
 eſtat, que ie ne la voye iamais renuerſer  
 & quelle n'ayt pas ſubiect de me re-  
 greter.

**F I N.**

